

آبونه شرائطی

ممالك عثمانیه ده سنه لکی (۶۵) ، الق
آیلغی (۳۵) غروشدرد .
ممالك اجنبیه ده سنه لکی (۱۷) ، الق
آیلغی (۹) فرانقدر .

اداره خانه

باب عالی چاده سنده دائره مخصوصه

اخطارات

آبونه بدلی پشیندر .

§

مسلكه موافق آثار مع الممنونیه قبول
اولنور . درج ایدلمه یازیلر اده
اولونماز .

الکمال

سر ۶ ۱ ۳ ۳ ۰ ۱ ۳ ۳ ۰ ۱

دینی، فلسفی، علمی، ادبی، هفته اق جموعه اسلامیه در.

والله یهدی من یشاء الی صراط مستقیم

صاحب و مدیر مسئول : ح . اشرف ارباب

اتبعون اهدکم سبیل الرشاد

عدد ۳۵۵

۲۲ شعبان ۱۳۳۲

پنجشنبه

۳ تموز ۱۳۳۰

جلد ۱۲

نادر بوجاذبه‌سندن قاجیلمايان مقبر !
جهان جهان اولالی التقام ایدوب طو. سیور
جهانیان وجودی او طوبلمیان اژدر .
زکدلقمه‌سی اهل معارف اولماده در ؛
اوجه‌دن بری ایشه رشاد فاضلتر .
مورخ ادبیات ، منشی ، تحریر ؛
ادیب ، مقندر وشاعر سخپورور .
خلوق ، اهل دل و برکال محویت .
نطوق ، نکته‌سرا ، جامع لال عبر .
وطنده معرفته الک قدملی برخادم ،
مقالی ملت ایچین برمرئی اکبر
ایکن ، زواللی رشاد بک ، او فائق الادبا
یازیق که ایله‌دی عزم طریق دار ذکر .
مقام فضلانی حقا که بوش قویوب کیتدی ؛
یرنده قالدی اونک برخلو غمپورور !
حضور مغفرتنده خدای رحمانک
شفیع اکرمی اولسون جناب پیغمبر .
چهاریار کزین همتیله تاریخی ؛
بهشته قیلدی بوییل باق ، رشاد بک‌ده سفر .

۱۳۳۲

ظاهر المولوی

نزهة المجالس

ادریس بتلیسی

فضلا و مورخین عثمانیه‌دن جامع الکمالات بر ذات معارفیات اولوب
صاحب تفسیر [شیخ حسام الدین علی بتلیسی] حضرتلرینک مخدوم
فضائل موسومیدر . تحصیلنی پدر عالیله زمانی افاضلندن اکالندن صکره
کراراً اولنان دعواته اجابتیله برمدت (ایران) ده حکمران اولان
[اوزون حسن] اخلافنک خدمت دیوانیه‌لرنده بولندی . بعده ظهور
ایدن دولت (صفویه) نک بدایتلرنده خاندان (آل عثمان) خدمتی
بالترجیح (استانبوله) کله‌رک سلطان (بایزید ثانی) نک انعام والتفات
قدردانیلرینه مظهر اولدینی کبی سلطان مشارالیهک اراده‌لریله [هشت
بهشت] نامیه‌له معروف فارسی العبارة تاریخ عثمانی بی تألیف ایله یوب
بالتقدیم مظهر تقدیر و تکریم اولدی و تبدل سلطنتدن صکره خلیفه
اهل ایمان [یاوز سلطان سلیم] خان حضرتلری طرفندن ده فوق‌العاده
تقدیر و توقیر نائل اولوب کردستان و حوالیسینک فتوحاتی انناسنده
رأی و قللمندن استفاده اولمق طولانیسیله‌ده کندیلرندن سیاست چوق
استفاده‌لر اولندی و (استانبول) عودتندن صکره اکثر زمانی تألیف

آثاره حصر ایلدی . [۹۲۷] تاریخنده ارتحال ایدرک [ایوب سلطان] ده
الیوم نام فاضلانلرینه مضاف اولان [ادریس کوشکی و چشمه‌سی]
دینلین محله زوجیه‌سی [زینب] خانونک بنا کرده‌سی بولنان مسجد
شریف حظیره‌سنه دفن ایلدی .

پدر عالیقدری شیخ [حسام الدین] حضرتلریله فاضل ابن فاضل
اولدینقی آثار عیدیه‌سیله اثبات ایله بن مخدوم والا کهری دفتردار
[ابوالفضل محمد] افندی‌نک ترجمه حلالریله آثار علمیه‌لری آریجه
یازیلده جقدر .

مولانا [ادریس بتلیسی] نک آثار فاضلانلری :
۱ — حاشیه علی تفسیر بیضاوی (تکمیل اولوب بعض آیات
کریمیه دأردر .)

۲ — شرح حدیث اربعین قدسی

۳ — شرح فصوص الحکم

۴ — شرح منظومه کلشن راز

۵ — کنزالحقی فی بیان مقامات الصوفی

۶ — حق المین (صاحب کلشن راز شیخ محمود شیشتری) نک
[حق الیقین] رساله‌سنگ شرحی اولوب برنسخه‌سی [اسکدار] ده
[سلیمیه] کتبخانه‌سنده واردر .

۷ — حاشیه شرح تجرید

۸ — مناظره الصوم والعید

۹ — مرآت الجمال [سلطان بایزید ثانی به تقدیم اولمش اخلاق
وسیاستدن باحث فارسی العبارة بر اثر حکیمانه اولوب خط‌دستیله محرر
وصنعتکارانه بر صورتده مجلد نسخه یکانه‌سی (نور عثمانی)
کتبخانه‌سنده در .]

۱۰ — قانون شهنشاه [سلطان سلیمان قانونی] به تقدیم اولمش
[مرآت الجمال] طرزنده فارسی العبارة بر اثر سیاسی در . یونک‌ده بر
برنسخه‌سی [ککبوزه - کبزه] ده (غازی مصطفی پاشا) کتبخانه‌سنده
موجوددر .

۱۱ — الاباء عن مواقع الوباء [خط‌دستیله محرر نسخه شهید
علی پاشا کتبخانه‌سنده اولدینی کبی سلطان [محمود اول] زمانی علماسندن
[بتلیس] لی [محمد صالح] افندی طرفندن ترجمه اولنان نسخه‌سی‌ده
[اسعد افندی] کتبخانه‌سنده در .

۱۲ — هشت بهشت [بانی سلطنت سلطان عثمان غازیدن سکرنجی
پادشاه اولان سلطان بایزید ثانی نهایتنه قدر سکز پادشاهک احوال
تاریخیه‌سندن باحث فارسی العبارة بر تاریخ معتبر اولوب [۹۱۹]
تاریخنده خط‌دستیله محرر بولنان نسخه اصلیه ایله مخدومی (ابوالفضل
محمد افندی) طرفندن یازیلان ذیلی [اسعد افندی] کتبخانه‌سنده
موجود اولدینی کبی [۱۱۴۶] سنه‌سنده [وان] لی [عبدالباقی سعدی]
افندی طرفندن یازیلان ترجمه‌سی ده باغچه‌قایسنده [حمیدیه] کتبخانه‌سنده در .

سعدی افندی شرادون و مأمورین مالیه دن بر ذات اولوب
[خوتین] ده شق ثانی دفتر داری اولمش ایدی .

ایستادن : ربع مسکونده اولان دوده جمع عصیان
بریره کلسه رخ رحمته برخال اولماز

برادری (دری احمد) افندی ده صاحب دیوان شرادون
و مأمورین مالیه دن ایدی . [۱۱۳۵] تاریخنده وفات ایدرک [شیخ
وفا] مزارستانه دفن ایدلدی . بر آردلق سفارت طریقیله ایرانه
کیتدیکی جهته [سفارتنامه ایران] یازمشدرکه برنسخه سی [اندرون
هایون] ده [روان اوطه سی] کتبخانه سنده واردر .

۱۳ — صاحب ترجمه نك السنه ثلثه ده انشا ونظمه مقتدر اولدیفنه
کورلمکده اولان آثار شرعیه سی شاهددرکه قوجه مصطفی پاشا جامع
شریفنک باش قانی تاریخ منظومی بوجه دندر .

صنایع نفیسه اسلامی نك بر شعبه مهمه سی اولان صنعت خطه ده واقف
اولوب ثلث ، نسخ ، تعلیق ده ماهر ایدی .

[ترجمه حیوة الحیوان] یاوز سلطان سلیم خانک امریله لسان فارسی به
نقل اولنان ترجمه سیدرکه خط دستیله محرر اولان نسخه (روان
اوطه سی) کتبخانه سنده در .

۱۴ — منشآت وقواعد انشا : لسان فارسی اوزره محرر اولوب
برنسخه سی (روان اوطه سی) کتبخانه سنده موجوددر .

۱۵ — اجازتنامه : (۹۳۰) ده (کاتب سعدی) به ویرلش مفصل
براجازتنامه اولوب اسلوب عالی اوزره محرردر . روان اوطه سنده واردر .

۱۶ — مجموعه منشآت : فریدون منشآت طرزنده مهم بر اثر ادبی
وسیاسی در . خط دستیله محرر نسخه سی (خالص افندی) کتبخانه سنده در .

بروسه لی

محمد طاهر

حیات اقوام اسلامیہ

انکیز مسلماندری

انکیزده دین اسلامک انتشاری

انکیزده دین اسلامک نشریله اشتغال ایدن مکمل برهیت علمیه موجوددر .
بوهیت محترمه نشر دین مبین خصوصنده کوسترمکده بولندی جديت وانظام
ایله انکیزلرک نظر دقتلرخی جلبه موقف اولمشدر .

انکیز مطبوعاتی بولنلرده دین اسلام وامت محمديه حقنده اوزون اوزادی به
بیان مطالعات ایتکه باشلادیلر . تایمسن طوتکیز ، اک کوچک غزته لره ، رساله لره
وارنجیه قدر مان هپسند مسلمانلق حقنده مقاله لر کورولور . بوندن باشقه
مهم هم اثرلر ، رساله لره انتشار ایدیور . حق کلیسارده ، قونفرانس سالونلرنده ،
قلوبلرده بیله قرآن جلیل موضوع بحث اولغه باشلادی . بو اسلام ایچون اولیله
سعادتمند بر حادته عظمادرکه بتون عالم اسلامی مسرتلره غرق ایدمک ، شمشعه
اسلامی بوتون جهانه عکس ایتدیره جکدر . لوندرد آقاندده طلوع ایتیه باشلایان
نور اسلامک بریتانیا آطه لرینه صاچقده اولدیفی لمات فیض بخشا حقنده دوله

الحلقة اسلام قارداشلر مه تبشیر اتمده بولونمیه بی انکمقدس بروطفه عدایدرم . ان شاء الله
بوخصوصده متعدد مقالات نشر ایتیه بی وعد ایدیورم . دین اسلامک انکیزده ده
نه صورتله انتشاره باشلادی ، هیئت نشریه نك مساعیسی ، بریتانیا آطه لرندکی
بوحرکات دینه نك انکیزلرایله بویوک تلاشلره دوچا اولان میسیونرلر اوزرنده کی
تأثیراتی مقالاتنک موضوعی تشکیل ایدمکدر .

معلوم اولدیفی اوزره ایکی عصر دن بری انکیزلر چار اقطار جهانه ، بالخاصه
اسلام مملکتلرینه میسیونرلر ارسال ایتکده ایکن شمدی قدرت اسلامی به
باقکیز که کندی پایتختلرنده منتظم بر اسلام هیئت نشریه سی مشاهده ایدیورلر .
واقعا انکیزده ده نور اسلامیتک لماتیکی برشی دکادر . یکرمی ، اوتوز سنه دن بری
باشلایان برحرکتدر . فقط هر نه دنسه بر زمانلر دوچار کسوف اولان بونورمبین
بوکون بوتون شمشعه سیله نمایان اولدی وآلایلدیکنه نشر فیوضات ایدوب
طورمقدمه در .

بوندن یکرمی بش اوتوز سنه مقدم ، حقوقی بوندن وعلم هیئت ایل طباقات الارض
متخصصیندن مستر (ویلیام هازی کویلیام) نامنده بر انکیزلر شرف اسلام ایل مشرف
اولمش ایدی . بو ذات محترمک دین حق ایتیش اولدیفی خدمات ، وجوده کتیرمش
اولدیفی آثار متعدده کندیسنک درجه غیرت اسلامی سنی ارانه ایدر . مان بیوک
بریتانیانک تحت اداره سنده بولنان بتون ممالک اسلامی بی طولاشوب مسلمانلرک حیاتیلرخی ،
وضعیتلرخی رأی العین تتبع ایتشدرد . عبدالله کویلیام افندی هیچ بروقت اسلاملرک
حقوقی مدافعه دن ، آلره روا کوریلن حقسز قلری پروتستو ایتکدن خالی قالدی .
انکیز حکومتی عنندنده ، بارله منتو واسطه سیله دائما اسلاملرک حقوقی التزام
ایدردی . بو ذات فضیلتمند لیوهر بول شهرنده برده جامع شریف انشا ایتیش
وبرجوق انکیزلرک اهتداسنه دلالت ایتیشدر .

شمدی مع المسار کورویورز که بوکون دین اسلام لوندرده ده شایان حیرت
برصورتده انتشار وتوسع ایتکده در .

شهر مذکورک غایت کوزل ونشیمنکاه اغنیا بولنان (ووقینغ)
جهتده الکتریک ایل تنویر وقیمتدار خالیلره تقریش ایدیلش محترم برجامع
شریف برده دائرة مخصوصه انشا ایدیلشدر . هرکون بوراده بش وقتنده اذان
محمدی اوقونیور ، مسلمانلر نماز قیلیور . هند علمای بنامندن خواجه کال الدین
افندی حضرتلرینک تحت ریاستلرنده منتظم برهیت مقتدره جابندن دین اسلام
نشر اولنیور . بوهیت محترمه نك اعضاسی خرسیتیان میسیونر هیئتلرینه اصلا مشابه
بولمادی بی جهته منصف انکیزلرک حسن توجهی قازانمیه موقف اولمشدر .

بوهیت اسلامی بی تشکیل ایدن ذوات محترمه ، برر کولکی ، فداکار اسلام
مبشیریدر . اورته ده معاش ومنفعت یوقدر . بولری بو تشبث عالی به سوق ایدن
عامل بکانه ، روح پیغمبری شاد ایدن غیرت دینه ، عشق اکمیدر . حالا ثلوث
پرستلکده دوام ایدن انکیزلری کلام توحیده ، نور ایمان ایل تنوره ، الحاصل
حق دینه دعوت وارشاد ایتک اوملرک اخص آمالنددر . برطرفدن ، عصرلر
دنبری اسلام علیهنده جایکیر اولان سو تفهملری ومغالطه لی نهیریانی رد وازاله ؛
دیگر طرفندن ده خرسیتیاننک حقیقه یک ضعیف وبناء علیه عمومی بر دین اولامیه .
جفی اثبات وارانه ایتکده بیوک عزم ومثانت کوستریورلر . ایشته بویلیم خدا
پسندانه برخدمتک ایفاسنده جهد واقدام ایدن بوذوات محترمه انکیزده نك مراکز
مهمه سنده قونفرانسلرله ، نظقلرله دین اسلامک حقایقی برر برر انکیزلره
آکلاتیورلر . بونکده اکثفا ایتیه رک برده انکیزجه الی آلتیش هیئته نك
شهری بر مجموعه اسلامی نشر ایدیورلر .

بورساله موقوته کوزل انکیز شیوه سیله یازیلیور . اسلامیت حقنده غایت
واقفانه مقالات نشر اولونیور . مسلمانلغه عائد بر جوق مسائل حل ایدیلیور .
ادیان ساثره نت منسوخ اولدقلری ، جناب حق وحدتی بر این قاطعه ایل اثبات
اولونیور . بوندن باشقه خرسیتیانلر بیننده مختلف فیه مسائل دخی احکام قرآنی
اوزره حل ایدیلیور .

بوهیت محترمه خرسیتیانلرک اوتهدنبری دین حلیل اسلام علیهنده سرد ایتکده
بولندقلری اعتراضاتی ده ، آریجه قونفرانسلر واسطه سیله رد ایدیور .
مثلا : کال الدین افندی حضرتلری که مبرج دارالفنوشده ویردیکی برقونفرانسده